

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23) na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 127. sjednici, održanoj 30.04.2026. godine, d o n o s i

ZAKLJUČAK

I.

Prihvata se Mišljenje Ministarstva za rad, socijalnu politiku i izbjeglice o Inicijativi za izmjene i dopune Zakona o radu Zeničko-dobojskog kantona („Službene novine Zeničko-dobojskog kantona”, broj: 1/17, 7/24-dr. zakon i 24/25), broj: 09-02-6172-1/26 od 27.04.2026. godine, koju je podnijela Selvedina Sarajlić-Spahić, poslanica u Skupštini Zeničko-dobojskog kantona.

II.

Zaključak s Mišljenjem iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/26
Datum, 30.04.2026. godine
Zenica

PREMIJER
po ovlaštenju

Mirza Mušija

DOSTAVLJENO:

1x Ministarstvo za rad, socijalnu politiku i izbjeglice,
1x Stručna služba Skupštine,
1x a/a.



ZENIČKO-DOBOJSKI KANTON
VLADA

N/r Sekretara
N/r Premijera

Broj: 09-02-6172-1/26
Zenica, 27.04.2026. godine

PREDMET: Mišljenje na poslaničku inicijativu poslanice u Skupštini Zeničko-dobojskog kantona Selvedine Sarajlić-Spahić, daje se

Postupajući u skladu sa zaduženjem po aktu Stručne službe Vlade Zeničko-dobojskog kantona broj: 02-1-02-6172-1/26 od 30.03.2026.godine, u vezi dostavljanja mišljenja na poslaničku Inicijativu poslanice u Skupštini Zeničko-dobojskog kantona Selvedine Sarajlić-Spahić, pokrenutu na 50. sjednici Skupštine Zeničko-dobojskog kantona, održanoj dana 24.03.2026.godine, a u vezi sa donošenjem izmjena i dopuna Zakona o radu Zeničko-dobojskog kantona („Sl. novine Zeničko-dobojskog kantona,” broj: 1/17, 7/24-dr. Zakon i 24/25, u daljem tekstu: Zakon), Ministarstvo za rad, socijalnu politiku i izbjeglice, nakon razmatranja dostavljene inicijative daje sljedeće:

M i š l j e n j e

Predmetnom inicijativom predlaže se donošenje Zakona o izmjenama i dopunama Zakona o radu Zeničko-dobojskog kantona („Sl. novine Zeničko-dobojskog kantona,” broj: 1/17, 7/24-dr. Zakon i 24/25), tako da se u važećem Zakonu, izvrši dopuna člana 6. iza tačke d) doda nova tačka e), koja glasi: „obavljanje sistematskog ili ljekarskog pregleda i preventivnog pregleda u cilju ranog otkrivanja karcinoma, hroničnih oboljenja ili drugih pregleda utvrđenim javnozdravstvenim smjericama za očuvanje zdravlja stanovništva i kantonalnih programa javnog zdravstva”.. U obrazloženju pokrenute inicijative ističe se da je u navedenom dijelu odredba sporna, jer niti jednim pozitivnim zakonskim propisom nije tretirana mogućnost da uposlenik uzme plaćeno odsustvo za preventivne preglede.

Odredba člana 6. stav 1. Zakona o radu sada glasi: „Radnik ima pravo na odsustvo sa rada uz naknadu plaće i pored slučajeva propisanih Federalnim zakonom u toku jedne kalendarske godine u slučaju: a) smrti roditelja bračnog odnosno vanbračnog partnera,b) sklapanja braka djeteta,c) selidbe.”

Uvidom u važeći tekst Zakona utvrđeno je da član 6. sadrži odredbe zaključno sa tačkom c), te da u važećem tekstu ne postoji tačka d). Iz navedenog razloga, inicijativa u dijelu kojim se predlaže dodavanje nove tačke e) nije usklađena sa nomotehničkom strukturom važeće odredbe, te bi se eventualna dopuna mogla pravilno izvršiti isključivo dodavanjem nove tačke d).

Dalje, Ministarstvo ukazuje da predložena materija zadire u oblast prava radnika na plaćeno odsustvo, koja je već uređena federalnim Zakonom o radu, te je prilikom eventualnog normiranja na kantonalnom nivou neophodno voditi računa o hijerarhiji propisa, principu usklađenosti i zabrani normativnog preklapanja ili stvaranja pravne nesigurnosti.

U tom smislu, svaka izmjena i dopuna zakona mora biti rezultat prethodno provedene sveobuhvatne analize koja, između ostalog, obuhvata:

- usklađenost sa federalnim zakonodavstvom i relevantnom sudskom praksom,
- procjenu pravnih posljedica predloženog rješenja,
- procjenu fiskalnih i ekonomskih efekata, posebno u odnosu na poslodavce,
- konsultacije sa socijalnim partnerima (sindikati i udruženja poslodavaca),
- usklađivanje sa pravilima za izradu propisa i drugim važećim nomotehničkim standardima.

Imajući u vidu sve navedeno, Ministarstvo smatra da se inicijativa može prihvatiti u načelu, uz obavezno prethodno usklađivanje sa važećim pravnim okvirom i pravilima nomotehničke.

S poštovanjem,

Dostavljeno:

1x Naslov

1x a/a

MINISTAR

Antonio Šimunović

Obradivač akta:

Vildana Kondić